

無稽調語

張林書



古叢書之五

古本
無稽調語

下冊

馬跡山農藏本

無稽調話目次

卷下

卜者自驗	一
扶乩	二
貨兒郎	六
打鬼(二則)	一五
浮泛破承	一八
雪裏紅	一九
女盜(二則)	二四
鬼鬼怕	二六
遺愁說	二七
鷄姦	二八
夏德海	二八
珊瑚	二九

道士論文	三七
夜光	三九
魂附風體	四二
夢裏清歌	四二
假鬼劫財	四三
蠅妒	四四
筆談	四六
神杖	四七
鼠娶婦	四九
投胎	五〇
簫山僧	五五
狗盜	五六
鷄產人雛	五七
魏小姐	五八

泥馬	六〇
女鬼談詩	六一
大癡小癡	六三
蜂妃	六六
鬼示死期	六七
犬報	六八
月夜聽詩	六九
六郎	七一
臺陽妖鳥	七五
學杜	八五
蜉蝣	八六
放生持齋	八七
華童	九〇
狐靈有緣	九二
行令逐客	九四
狐諺	九六
梅花菴	九七

聾道士	一〇二
孽蛇	一〇三
假彌子	一〇三
螻蛄	一〇五
山魃	一〇七
車夫驅狐	一〇九
義牛	一一〇
巨人文燭	一一一
公主墓	一一二
魚怪	一一四
靈姑(三則)	一一五
乩詩記附	一二二
琴劍作別	一二六
拔強毛	一二七
六姑娘	一二九
封仙	一三八
張麗華祠	一四二
財神誕期	一四三

無稽譌語 卷下

卜者自驗

福建馬巷廳向多盜。有警者呂七。善占易課。語無不驗。初賣卜。每課不過數文。遞增至百文。凡行刳者。輒詣呂問財氣有無。歷有奇驗。以故價益昂。必銀三錢。始占一課。自朝至日昃。問者踵相接。喧闐若市。漸積貲至數萬金。妻子女媳。皆曳紈繡。肥。番僕婢數輩。居然成素豐家。一日薄暮。有以十金納警袖。請占今日行刳財旺否。占之曰。大吉。財爻治世。月建日辰。生扶官爻。伏而不見。必獲多財。且無後患。其人喜而去。更靜後。數人敷屏而入。停輿于堂。請曰。家主母患病。似爲祟所憑。奉主人命。敬延先生往占之。因出五十金作酬儀。呂警利其金多。乘輿而往。行十餘里。至一巨宅。扶警者出輿。羅列佳肴酒。殷勤勸酬。食已。謂之曰。實相告。吾等皆盜也。近日爲首大哥適患病。無人主使。特煩先生權充頭領。此間有定列。刳得財物。爲首者得半。餘則衆人俵分。警驚謝不能。衆磨刀霍霍。颯然插几上曰。不去者殺却。警泣下曰。非不願。實因雙警。無能

爲役耳。衆曰：是不難。乘輿而往，只須坐中堂，喝獻寶來。俟吾儕刦已，仍肩輿而歸，送抵尊府，不煩一舉手一投足也。警無奈，允從。衆以筆塗其面，拽使登輿，肩行甚疾，須臾至一宅，數人踰垣入，啓其大門，抬輿直入。引警至後堂，南面坐，列雙炬于前。警乃拍案大呼曰：獻寶來！衆噉應而入，遙聞數練哀祈聲，開箱以從。警逐室搜括，聲沸騰中夜。厥後聲漸漸寂，警呼如故。其子見羣盜皆去，僅存其一，竊從門隙窺之，見青面盜閉兩目，據几疾呼獻寶，手無一寸鐵。乃率母妻僕婢等持械而出，舉挺將擊其首。母曰：且緩，聽其聲音，觀其服飾，酷類而父，乃以索繫其手，以水盥其面，果卽呂也。妻問何故來家行刦？警方悟爲羣盜所弄，抱妻而慟，備訴顛末。舉家悲恨，然不敢鳴于官。自此室如懸磬，貨其宅，別賃茅屋以居，仍垂簾賣卜，不復如向時靈驗。求卜者日寥寥，卒以貧餓死焉。

扶乚

紹興金某，習申韓之學，歷遊大僚幕府。長白鄂公巡撫兩浙，延金入幕。金善書符請乚，往往有驗。鄂知之，約署中諸友，明日潔齋以請。及次早，金黎明卽起，拂拭乚盤。鄂亦公服而出，諸友儉

皆酣臥。命僮促之。始陸續至。既焚符。乩動曰。我純陽子也。爾等既請我。又復怠慢。俱不屑教。鄂子心虔。姑賜二語。遂書云。節鉞東南開半壁。廿年贏得主恩濃。書畢即退。衆賀曰。大人寵眷方長。鄂公亦喜。未幾。公緣事服刑。乃悟公自筮仕至被逮。先後剛二十稔也。後金就吳郡某刺史幕。與同事諸友請乩。乩書曰。苦雨淒風漏二更。玉容無主夢魂驚。紅綃拭透鮫珠落。洒向人前訴不平。金問何仙。乩云。非仙。乃田允也。金知爲鬼。問其姓名。乩云。張姓。小字碧簫。前太守某公姬也。時西席陸生。錢塘人。十七中副車。其年仍將應試。問獲薦否。乩書一串字。金曰。是連中之兆。有錢穀幕友疑是金所僞作。乃書一紙。搓作團。請乩判。判云。春歸占得熊羆夢。即停筆。金開紙視之。寫何時得子四字。蓋其人尙未有嗣。見乩語大喜。又一友司書啓者。亦搓一紙呈乩側。乩即續云。秋老營成翡翠巢。啓紙視之上。書家貧未娶。不知何時可聯婚姻。其後二人皆如乩語。越日。有常熟許某與刺史有舊。買舟至吳門。欲懇其緩頰吹噓一席。居半月。刺史全無眷意。乃浼金書符請之。女又至。書曰。楊花憐爾風前舞。燕子傍誰梁上栖。許知館終不就。快快以歸。自此逢請乩。輒至徵比。友胡某。會稽人。眇一目。輕儇粗鄙。同署皆厭薄之。忽以一紙團置乩盤。

間祝曰。請題此。乩書曰。立似沙彌合掌。坐如蓮瓣微開。無知小子休弄乖。是爾出身所在。金訝之急。開視其紙。乃大書一秘字。金愠。怒叱胡曰。請乩理宜恭謹。謔浪如此。是吾過也。後遂收乩不復請。新秋陸歸。鄉試果及第。九月來吳。乞金再請。金不可。陸不得已。炷香于爐。長揖申謝。乩忽自動云。承君念我。我亦思君。胡在傍不平。笑曰。獨不思我乎。乩曰。帶鈴兒無多談。胡不甚通文理。茫然莫解所謂。陸乃以元老登庸。諸狐帶鈴之事告之。胡怒曰。狗腿夾着兩片皮。逢人賣俏。乩答云。龜頭剩得一隻眼。看汝可羞。胡大譁噪。陸厲聲呵之。乃止。乩亦退。陸惡其擾。乃別立一乩于己室。夜分讀罷。爇爐香而祝之。乩自動云。鬼來已久。恐妨君讀。故不敢擾耳。陸曰。與君一夕語。勝讀十年書。何云妨工。因問曰。以卿慧中。定當秀外。前太守之珍惜。可想而知。但不識以何病遽逝。乩云。可憐可憐。獅聲吼而益厲。龜頭縮而不伸。鬢年弱質。費恨以終。尙何珍惜之有。陸曰。芳魂何不隨太守去。乩云。一度陽臺雲雨斷。有誰招我未歸魂。陸亦代爲悵悵。因問玉骨現埋何處。答云。三堂後梨花樹下。翌日。陸備香楮酒菓。請于東君進堂後就樹下醉之。夜靜。聞沙盤颼颼作响。視之。書云。承君以杯酒奠我。足感多情。陸戲之曰。寒宵岑寂。偶得句云。孤衾

秋冷落。煩卿屬對。凡云短燭夜溫存。陸請一觀麗客。答云。曲明異質。不當以色相示人。續云。即空卽色。烟中影。陸應云。爲雨爲雲。夢裏神。凡寂然而退。其東君亦西江名孝廉。由邑宰游陞太守。聞之告陸曰。冷落對溫存。殊有巧思。吾亦欲與之唱和。煩先生請之。陸焚香禱祝。凡兀然不動。太尊笑而去。去後輒動云。此君內多慾。而外色莊。不足與語。由是與陸晤語。酬唱無虛夕。迨小陽後。公車將北。陸戀戀不忍捨。一夕夢一麗姝冉冉至。明眉皓齒。綽約靚粧。笑謂曰。郎君向欲相見。妾畏人言。未敢遽許。今將遠別。不可不令多情郎一面。又云。郎君性格溫存。舉止端重。功名雖不甚顯赫。然一生仕路。絕無風波。幸努力自愛。妾從此辭。陸攬其袂曰。前蒙示一串字。今上半截驗矣。究未知下半截何如。女曰。若問個中消息好。知君畢竟是書癡。語訖。低鬟而歌曰。今夕何夕。明月在天。夜臺冥冥。宿草荒烟。巫峯十二。弱水三千。芳心脈脈。幽怨年年。霜風砭骨。離魂黯黯。與君一別。波逝長川。陸悵然忽寤。手持被角。儼然作牽裾狀。輾轉營思。不能成寐。詰旦束裝戒塗。凡亦永絕。金雖以符招之。不至也。陸次年捷南宮。榜下授中翰。始悟若問個中二語。是隱藏中書兩字也。

貨郎兒

邗江鍾儒士之女小憐。絕色也。儒士貧且獨愛之。教以書算。能且精。母死。小憐年十四矣。潛以刺繡紋錢。爲父營朝三暮四之術。漸無凍餒苦。儒士嘗見其深坐閨中。持籌握算。喜謂人曰。我家有女王戎。惜不櫛耳。買小婢。貌亦端好。名阿容。爲女供洒掃。實閨中伴也。儒士擇婿太苛。少可當意。年十六。父又卒。女擬營喪葬。妥貼勝男兒。服甫闋。而媒妁盈其門。或云太守兒。或曰侍中子。女皆笑却之。私謂媒媼云。第貌清俊。年齒合。孤與奴等者。求之貧不怨也。媒去。久之有蔡郎失怙恃。貧廢讀。隻身爲絲牙郎。司會計。貌頗妍。齒亦稚。聞女豔名。私以青蚨啗媒媼。媼笑云。小官人妄想吃天鵝肉耶。曰。第言之。得失非所計。媼無已。勉爲一行。至則門深閉。梨花撲落滿地。如胭脂。雪階下苔花如錢。屐印無幾。握石扣再四。婢始出迎。問阿容姐和憐姑春睡耶。婢笑應。導入閨中。視女正掩衾就碧紗日影。讀玉溪生稿。雲鬢盤鵲。粉靨微瘦。逾覺嬌媚。可人。媼近之坐。笑云。若個俊人兒。不知誰家有福郎。一生消受。女微笑不語。阿容問憐姑親事若何。昨宵燈花結並蒂。想有成也。媼撫掌軒渠曰。婆子幾忘却。真可笑煞人。蔡家小朝奉。貧無一椽。爲人

家司筭餉。歲得俸不過二十金。尙欲娶美婦。幸渠風貌好。不然當以箕箒擊其頰。女笑云。貧亦何害。奴自能當。但渠之風貌。果如阿母言否。媼乃感稱其俊美。宛似羊車中人。女云。贅入吾家。爲我翁後。問渠願否。如願卽煩引之門外。奴以隔屏一見爲信。媼喜而退。翌午果汗面來曰。蔡家小官宦將至。請姑姑自相攸。女卽掩關自門。隙偷覷。果有白袷少年。郎面如傅粉。步履坦然。搖蓬三四過。若不知有門內事者。媼趨出故呼曰。蔡家郎將何之。去而復返。若磨驢耶。連去連去。毋討厭煞人。蔡果一笑去。女入闥。對媼曰。是郎亦有大福澤者。然有數載奔波苦。亦命數使然。卽煩作伐。媼云。渠本無家。請贅爲齊東壻可乎。曰。可。擇吉成禮。青廬之中。互相偎倚。髮貼萬狀。幾如翡翠之戲蘭若也。然卽則時時以清貧爲慮。歡娛之下。每對麗偶作態啼噓。女知其意。慰之曰。郎願得美婦。妾願得美夫。願已足矣。兒家雖無阡陌雲連。然先人遺微資。可以餬三四年饘粥。一家僅三口。何戚戚爲哉。郎終不懌。女憤形於色。曰。飲啄自有分耳。郎欲何之。請卽自便。毋使青年浪得戀婦名。郎乃改容遜謝。阿容旋具盃酌。爲闔中合歡。醉而方寢。燕婉之情。堅且昵也。月餘。蔡有堂伯客閩中者。書來云。爲阿戚謀一噉飯處。望卽附舟來閩。萬勿因循。自傷

淪落。郎閱竟示女。女亦欣然。即治觴爲郎餞行。且贐之資。郎持尊有惆悵之色。女云。郎君發軔之始。光明磊落。千里求富。范蠡何嘗非人。奈何作兒女之態。郎曰。嘻。僕去累卿獨宿。未免負此青春。倘有微瑕。難成白璧。女大笑。幾不能闔櫻脣。曰。郎君慮戴綠頭巾耳。且試遠行。待錦旋時。方識得鍾儒士之女。晨起。郎摒擋家事。囑咐門楣。淒然揖別而去。不遽登舟。潛宿近處館舍。暇十餘日。每晨惟阿容出門外買蔬果。旋即雙柴閉。而女從不露嬌面。始放胆行。女獨居將兩年。郎無一字問閨中人。阿容頗以貧爲懟。久之有賣珠娘。嫺而善修飾者。名阿綫。居左隣。晨起恆與阿容攀話。因得親近女。阿綫善談論。往往良宵談至夜午方去。大家索女刺繡者。多由阿綫手。得資亦豐。於外間久之。終以守門無人。乃穴左垣爲阿綫出入。風雨之日。漸與女抵足眠。愈親愛。幾不可須臾離。一日。女偶同阿綫立門首。看兒童學賽會。突一男子華服自門前過。雙睛凝視。足幾不能移。女急掩扉。攜阿綫入。男子華亭富家子。銅山金穴。不殊鄧通。性愛漁色。聞竹西多佳麗。攜鉅資來遊。勾欄中人皆尋常脂粉。無許可者。是日突見女着杏黃衫子。綰拋家髻。裙下雙翹。紅蓮吐豔。驚爲天上仙娥。下墮塵世。私心竊喜曰。今番方不負二分明月也。然不知

誰家娘。無從問訊。翌又往。見左舍門啓。適阿綫出。知是昨與玉人比肩者。急趨與之揖。阿綫斂衽問表表郎君有何下問。曰某華亭人。至此覓親串不遇。靜候之。又惡旅舍喧。不能養疴。聞尊潭多曠宅。乞賃一椽。房值所不吝也。阿綫涎其資。笑應之曰。貧家無使。令僕御輜囊。奈何。曰僕從我自育之。乃計值而去。斯須果多人爲之運箱篋。皆沉重。俊僕一。亦姣好。遂居東廂。終日看書籍。評鼎彝。不輕易出門。一日謂綫曰。阿姥孀也。岑寂未免可憐。某又無母。願侍膝下。作螟蛉。不兩全乎。綫大咤曰。郎君一言。不怕折人壽算耶。某跪地叩有聲。遽呼曰。母。綫乃扶之起。由是如母子。視某室中。皆貴重寶物。一玩好。俱能值百金。几榻所被。無非錦繡。庖廚所爨。無非珍饈。每謂綫曰。母得某爲子。可得下半世真快活耳。不兩月。假子餽獻已值二三百金。乘間問綫曰。母日視西隣。是誰家玉人。可一見否。綫曰。是真不可犯也。因修陳其豔而貞。美而烈。聳人聽聞。某翌忽臥病。兩僕甚倉皇。綫大驚。親臨榻畔。問假子所苦。某啼噓掩泣曰。兒病不能延矣。思念損神。必登鬼錄。兒死。乞母以骸骨歸我鄉也。問究何思憶。自苦若是。不能告他人。亦不能告爲娘耶。曰大難大難。曰雖難。娘能代籌畫。曷語我。某乃攜綫手西指曰。尊隣嬌容。已攝兒魂魄去。

能一近芳澤。則霍然矣。綫審度良久曰。娘試代爲謀。爾且珍攝。某枕上叩再四。是夕。綫卽往女家。視女正繡香囊。玉筍幾皴裂。乃佯慰憐之曰。憐姑若嫁得金龜婿。此時供指揮者。當不下數十人。而乃貧至此。毋乃冤乎。女笑云。命使然也。夫復何怨。旋見阿容以香茗至。曰。今宵浼綫娘爲憐姑作伴。昨宵姑病。嚙聲呼郎名。喚不醒。幾驚煞人。綫云。想以纖指壓酥胸。病魔耳。旣而太息曰。如我命。宮坐孤虛。獨宿分也。郎君青年。猶一對玉人。奈何重利輕別離耶。已而掩燈入帷。綫強與女共枕。戲捻其乳。且搔其腕。女云。婆子花癡作矣。且倒頭睡。毋惱亂人。綫云。惜身非男兒。若有玉杵。恐今宵不能相饒。女微笑不語。綫又謫問云。姑姑想郎君否耶。女且笑且歎。綫知其心動。語漸入褻。問娘能飲否。曰。一兩盞亦可沾唇耳。曰。明夕我當買梨花春來。爲姑姑破悶。女無言。已沉沉睡去。至明夕。綫果以酒至。阿容亦小具珍饌。女飲微醺。嬌紅上頰。杏眼微顰。因扶之臥繡榻上。綫得閒。以某之心病告阿容。求代爲謀。阿容以爲難。綫曰。無傷也。昨夜小鬼頭春心動矣。我當明白以叩之。成否當一言爲決。浼子助我。阿容領其首。綫乃偃女小坐。述假子某富豪蓋鄉里。慕姑顏色。小住寒家。近已思慕成病。但一親近病卽已。姑玉成之。亦大陰。

隔爾我皆婦人。無一知者。且姑亦憔悴極。陽亢不可。陰老似亦非佳。爲某謀。兼爲姑謀耳。女聞之不語。阿容亦慙。應者再。女云。若真愛我乎。但可一不可再。渠既富。請以五千金博一刻歡。事已卽去。毋多言。綫云。我且商之。渠來復尊命。踰垣歸。某情急問所謀。若何。曰。成矣。以女言告。曰。易耳。易耳。急開篋。取白金權五千兩。自垣隙運之。香閣婢子傳遞。手足告疲。女命堆繡榻下。呼婢近前。以筆畫其兩眉。加以粉黛。命側臥倚繡枕。房闌半掩。銀缸微明。而已別潛宿他處。綫攜某來立房外。自掀帷視之。宛然女也。曰。那人來矣。婢微笑。綫出。某逡巡入。剔燈燄就枕畔視。嬌靨果當日立門首者。愛極。狂生不暇悃款。襯衣輕薄。未能徐徐。婢不語。某亦不言。已而下榻。曳履遽出。至綫家。則綫方掩關。橫陳榻上。嬌喚不已。窗隙睨之大驚。盡不知何時盜其豔僕。頃正乘隙赴陽臺耳。某心計曰。如我假母。方是倚門娼也。若憐娘者。終不失爲良家女。然天下尤物。得肌膚摩盪。願亦滿矣。何必戀戀。爲天下美男子所笑。呼僕出。以五百金謝綫。晨曦上。卽策馬返鄉關。綫轉愴然不能自己。往視女。已早粧若無事者。然暇則仍借女紅謀生活。綫私心奇之。倏忽歲殘。卽回家度歲。兩擔歸裝。一身蕭瑟。女迎問。葉砧客况何似。曰。寄人籬下。蘇秦仍是蘇

秦卿卿幸勿齒冷。女笑置之。呼婢具盃酌。爲郎君洗塵。久別勝新婚。夜夕燕好。正極情濃。女忽云。而今而後。郎請勿憂貧。床下朱提燦燦。而纍纍非歟。郎驚問何來。曰。術耳。郎亟披衣執燭。搜閱累見。皆峨峨不動尊大駭。問訊甚急。女乃數陳華亭人事。尙未迷。及畫眉易形。郎遽躍起。怒曰。我固知淫蕩者不貞。今果然耶。臨別之時。言猶在耳。今有何顏再見良人。鍾儒士之女。不過如是乎。女正欲演說分割。而郎已拔關出。從此黃鶴不再入門。到處跡之。罔知形影。後聞舟子言云。卽於是日過江矣。女自悔孟浪。然已無及。乃私告阿容曰。以我之才。不可老巾幗。卽憤氣出。非一日所能歸。數載奔波。前已預料。且主婢易裝。更男子冠服。挾華事資作母金。往姑蘇買易女石崇不難致也。阿容亦以爲善。乃於深夜鍵門戶。從阿綫家出。僂健兒四五輩。運資及家具。鼓櫂南行。蒲帆連渡。抵蘇攜婢走通衢。人見兩少年。服華容麗。眞翩翩濁世之佳公子。一二老成就與之語。始知學經商者。豔其資。乃於虎邱代賃宅。貨絲繡綵綫。女則居然成肆主。深居內闔。交易率委之夥。至夕。女出執牙籌。算核不少舛。夥爭服之。閱兩年。子金已盈五六千。再年餘。宮中鄭貴妃。催供戲衣甚急。肆中承其半。又得二萬金。虎邱閨闈子。莫不以一識鍾朝奉爲

幸富兒爭欲妻以女，均笑謝之。一日微雨，女裹青紗幘，披白羅衫，曳吉莫鞋，坐內櫥，隔紗牖看往來行人。婢亦豔裾軟巾，捧茗碗立其右。忽一少年貨郎兒至，鋪弛擔出資，易閩人所需零星物，約十金而擔已盈，覘其面龐如舊相識，再詳視之，大驚駭，耳語曰：「此非蔡家郎耶？」婢視之良確，惟面有風塵色，衣多補綴痕耳。蓋當日過江，摒與妻絕，及至閩，伯已故，居停辭之，欲再回邗江。至蘇，已隣與丐，得鄉人好義者，贈朱提十餘兩，故借貨郎餬口。經營數年，蠅頭利薄，頃正來買貨，女適見之，少頃雨大至，街上頗泥濘，郎坐門首，癡若木鷄。女心憐之，及霽，郎負擔欲行，忽見俊僕傳語云：「貨郎兒家竹西耶？」曰：「然。」曰：「然則我主人同鄉耶？」主人見召，且隨我來。因宛轉達曲室，視一少年端坐胡床，衣服華煥，婢曰：「貨郎宣到。」參見郎君，郎驚愕，屈其膝，女抗受之。因命側坐，略示殷勤，問汝家竹西何處？曰：「雷塘向南百步耳。」問作貨郎利若何？曰：「利息微也。」曰：「汝困苦若是，較我家奴子猶不逮，我憐汝，曷爲我傭？」婢急曳之拜曰：「貨郎謝主人收錄矣。」因命隨婢供驅策，郎亦私心自幸。是夕侍畢膳，閉戶將眠，忽奉主人傳喊，入寢室，視紅燭煌煌，紗帷綉帳，主人甫謝頭巾，榻上枕衾已設，略盤旋，忽見主人啓鎖，出白銀一鉅錠，置案頭，聲鏗然，攫郎袖。